

V L E R A E
G R U A S S Ë
K A P U R P Ë R
S U N E T I



M U H A M M E D
E L - A K I L

Vlera e gruas të kapur pas Sunetit

Muhamed el Akijl



Lavdia i takon Allahut Zotit të krijesave, salavatet dhe selamet qofshin mbi të dërguarin mëshirë për krijesat, Pejgamberin dhe imamin tonë Muhamed, familjen dhe shokët e tij.

Më pas:

Ju uroj mirseardhje o vëllezër dhe motra në këtë takim të begatë inshaAllah, i cili do të jetë rreth domosdoshmërisë së kapjes pas Sunetit të Pejgamberit sal-lAllahu alejhi ue sel-lem, dhe rreth vlerës së gruas të kapur pas Sunetit.

Dashamirë për hir të Allahut! Ju e dini se Allahu subhanehu ue teala e

ka dërguar Pejgamberin sal-lAllahu alejhi ue sel-lem në një kohë kur pejgamberët ishin ndërprerë, kur rrugët e udhëzimit ishin zhdukur, ndërsa dituria dhe njerëzit e saj kishin humbur. Allahu azze ue xhel-le e dërgoi Pejgamberin kur njerëzit, arabë dhe joarabë, burra dhe gra, ishin në humbje të qartë. Allahu ka thënë:

“Është Ai që u solli të analfabetëve një të Dërguar nga gjiri i tyre, për t’u lexuar atyre shpalljet e Tij, për t’i pastruar e për t’u mësuar Librin dhe Urtësinë (Sunetin), ndonëse ata më parë ishin vërtet në humbje të plotë”. [el Xhumua: 2].

Po pasha Allahun! Para Pejgamberit sal-lAllahu alejhi ue sel-lem kemi qënë në humbje të plotë. Besime të prishura, adhurime të prishura, marrdhënie të prishura, morale të prishura, derisa

Allahu azze ue xhel-le na udhëzoi me Pejgamberin sal-lAllahu alejhi ue sel-lem. Më pas, Allahu azze ue xhel-le e urdhëroi ymetin e tij, burra dhe gra, që të mësojnë atë me të cilën ka ardhur Pejgamberi sal-lAllahu alejhi ue sel-lem, dhe gratë siç thuhet, janë njëlloj me burrat. Për këtë arsye, siç e ka burri obligim të mësojë atë me çfarë ka ardhur Pejgamberi sal-lAllahu alejhi ue sel-lem, poashtu

edhe gruaja muslimane e ka obligim të mësojnë atë çfarë ka ardhur nga ai.

“Nuk i takon asnjë besimtari apo besimtareje të vërtetë që, kur Allahu dhe i Dërguari i Tij vendosin për një çështje, ata të kenë të drejtë të zgjedhin në atë çështje të tyre”. [el Ahzab: 36].

Ne jemi të urdhëruar për pasimin e udhëzimit të Pejgamberit sal-lAllahu alejhi ue sel-lem në çdo çështje tonën.

Pasimi është i ndërtuar mbi disa çështje:

E para: muslimani dhe muslimania duhet të mësojnë çfarë ka

ardhur nga Pejgamberi sal-lAllahu alejhi ue sel-lem. Ky është Libri i Allahut, argumenti i Tij subhanehu ue teala mbi krijesat e Tij, dhe ky është Suneti i Pejgamberit sal-lAllahu alejhi ue sel- lem mes nesh. Dijetarët e ymetit kanë dhënë gjëra madhështore në rrugën e mbrojtjes së tyre, përkujdesjes ndaj tyre, sqarimit të kuptimeve dhe çfarë lidhet me to. Obligimi që ka çdo musliman dhe muslimane, është të mësojë atë me të cilën ka ardhur Pejgamberi sal-lAllahu alejhi ue sel-lem, ta përpiqet me vetveten për këtë gjë, ta mbërthejë veten tek kjo gjë, dhe ta kalojë kohën e tij në bindje

ndaj Allahut azze ue xhel-le.
Pejgamberi sal- lAllahu alejhi ue sel-
lem ka thënë:

“Atij që Allahu ia don të mirën, i
jep dituri në fe”.

Kjo është e përgjithshme për
burrat dhe për gratë; nuk ka dallim në
shpërblimin e ditorisë dhe njerëzve të
tij mes mashkullit dhe femrës.
Muslimani – Allahu ju ruajtë – nëse
kërkon ditorinë, kjo gjë është
argument se Allahu azze ue xhel-le ia
don atij të mirën, sepse Allahu e ka
veçuar atë për Vetën e Vet, e ka
preferuar mbi njerëzit e tjerë me
Fjalët e Tij më të mira, dhe e ka
lartësuar në grada mbi ata që kanë

besuar.

Poashtu, edhe gruaja muslimane e cila duron dhe përpiqet, nëse ajo e mbërthen veten e saj në kërkimin e diturisë, dhe nëse e mbërthen veten e saj në mësimin e fesë së Allahut azze ue xhel-le, në mësimin përmendësh të Librit të Allahut azze ue xhel-le

dhe Sunetit të Pejgamberit sal-Allahu alejhi ue sel-lem, atëherë kjo është argument se Allahu azze ue xhel-le ia don asaj të mirën. Allahu azze ue xhel-le do ta lartësojë mbi ata që kanë besuar, siç ka thënë Allahu i Lartësuar:

“Allahu do t’i ngrejë në shkallë të

lartë ata midis jush që besojnë dhe që u është dhënë dija”. [el Muxhadeleh: 11].

Ky ajet është i përgjithshëm për burrat dhe gratë. Nëse muslimani dhe muslimania mësojnë atë me të cilën ka ardhur Pejgamberi sal-lAllahu alejhi ue sel-lem, atëherë kjo është argument se Allahu azze ue xhel-le ia don të mirën; e kjo është mirësi prej Allahut që ia jep kujt dëshiron. Të gjitha argumentet që tregojnë për vlerën e diturisë dhe njerëzve të saj, burrat janë njëlloj me gratë dhe nuk ka dallim mes burrit dhe gruas në to.

E dyta: muslimani dhe muslimania duhet të veprojnë me atë

që ka ardhur Pejgamberi sal-lAllahu alejhi ue sel-lem, sepse dituria ose është argument për ty, ose kundra teje. Nëse vepron me atë që ke mësuar, Allahu të lartëson përmes kësaj diturie në këtë botë dhe në tjetrën, ndërsa dituria bëhet argument për ty Ditën e Kiametit. Nëse nuk vepron me këtë dituri, ajo bëhet argument kundra teje Ditën e Kiametit. Për këtë, Pejgamberit sal-lAllahu alejhi ue sel-lem ka thënë:

“Kush kërkon një dituri përmes së cilës synohet Fytyra e Allahut, dhe ai nuk e kërkon veçse për të arritur dynjanë, atij i bëhet e ndaluar era e Xhenetit”.

Burrat dhe gratë janë njëlloj në këtë gjë, andaj gruaja duhet të jetë e sinqertë kur e kërkon diturinë, dhe duhet të jetë e sinqertë kur ajo vepron me këtë ditori. Suneti i Pejgamberit sal-lAllahu alejhi ue sellem është anija e shpëtimit; kush hipën mbi të shpëton, dhe kush e braktisën, vetëm se shkatërrohet, qofshin gra apo burra.

Gruaja e ditur dhe fetare, ka vlerë mbi shoqet e saja, për këtë Pejgamberi sal-lAllahu alejhi ue sellem i ka nxitur të rinjtë muslimanë, dhe ka thënë:

“O rini! Kush e ka mundësinë prej jush të martohet, le ta bëjë”.

Më pas, Pejgamberi sal-lAllahu alejhi ue sel-lem ka përmendur gjërat tërheqëse të intelektit dhe karakterit, që e bëjnë gruan tërheqëse për burrin, dhe burrin për gruan, duke thënë:

“Gruaja martohet për katër gjëra; parusinë e saj, bukurinë e saj, prejardhjen e saj”, më pas Pejgamberi sal-lAllahu alejhi ue sel-lem ka thënë: “merr atë fetaren, përndryshe i mjeri ti”.

Pejgamberi sal-lAllahu alejhi ue sel-lem i ka dhënë përparësi (gruas) fetare ndaj asaj të pasur, të bukur dhe me prejardhje, sepse ato janë gjëra që ikin dhe nuk kanë vlerë, ndërsa ajo

fetare, ndikimi i saj është i vazhdueshëm në këtë jetë, në atë të varrit dhe në tjetrën. Ajo është e dobishme për burrin dhe fëmijët e saj në këtë botë dhe në tjetrën. Për këtë, Pejgamberi sal-lAllahu alejhi ue sellem i ka nxitur të rinjtë që të martohen me gruan fetare dhe ta marrin atë sikur të jetë një thesar shumë madhështor, për shkak të vlerës që ajo ka mbi shoqet e saja.

Sa dituri kanë përfituar muslimanët nga nënat e besimtarëve radijAllahu anhunne, sikur Aishja radijAllahu anhe, Hatixhja radijAllahu anhe, Zejnebja, Safija, Hafsa e të tjera nëna të besimtarëve,

të cilat kanë përcjellë diturinë e begatë nga Pejgamberi sal-lAllahu alejhi ue sel-lem për ymetin.

Është vërtetuar se Pejgamberi sal-lAllahu alejhi ue sel-lem i ka thënë Hatixhes radijAllahu anhe – e cila ka qënë e ditur dhe me vlerë - :

“O Hatixhe! Ky është Xhibrili i cili të përcjellë selamin prej Allahut azze ue xhel-le”.

Kur Hatixhja radijAllahu anhe ka vepruar atë çfarë Allahu subhanehu ue teala i ka obliguar në lidhje me bindjen ndaj Pejgamberit, me kapjen pas Sunetit të Pejgamberit sal-lAllahu alejhi ue sel-lem dhe me ndihmën që

i ka bërë kësaj feje, ajo ka arritur këtë pozitë madhështore ku Allahu azze ue xhel-le ka dërguar Xhibrilin si nderim për të, dhe për t'i thënë:

“Kjo që ka ardhur është Hatixhja dhe me vete ka ushqim. Përcilli asaj selamin e Allahut dhe timin, dhe përgëzoje me një shtëpi në Xhenet prej floriri, në të cilën nuk ka as lodhje dhe as zhurmë”.

Kështu pra është gruaja e devotshme – Allahu ju ruajtë - , nëse ajo kryen atë çfarë i ka obliguar Allahu subhanehu ue teala, atëherë Allahu subhanehu ue teala e lartëson në këtë botë dhe në tjetrën, dhe e nderon mbi shoqet e saja.

Aishja radijAllahu anhe.. Shpallja zbriste në krevatin e saj ndërsa Xhibrili alejhis-selam i jepte selam asaj. Ai ka zbritur

ajete të Kuranit të Lartësuar për pafajshmërinë e Aishes, e gjithë kjo për shkak të fetarisë, diturisë dhe vlerës së saj radijAllahu anhe. Kështu pra, kush e don një popull, ai ringjallet bashkë me ta, ndërsa në hadith Pejgamberi sal-lAllahu alejhi ue sel-lem thotë:

“Njeriu është me atë që e don”.
Kurse ajetet e dashurisë së singertë dhe pasimit [thonë]:

“Thuaj: nëse e doni Allahun, atëherë më pasoni mua që t’ju dojë Allahu”. [Aali Imran: 31].

Nëse gruaja muslimane mediton rreth gjëndjes së selefëve të devotshëm – Allahu i mëshiroftë – lidhur me nënat e besimtarëve dhe me pasueset e tyre deri në Ditën e Gjykimit, atëherë ajo ka për të qënë bashkë me to në Xhenet, edhe nëse nuk vepron sikur veprat e tyre.

E treta: nëse gruaja muslimane mëson atë që ka ardhur prej Pejgamberit sal-lAllahu alejhi ue sel-lem, më pas vepron me atë që ka ardhur prej Pejgamberit sal-lAllahu alejhi ue sel-lem, kjo e obligon të

dojë për motrat e saja atë që e don për veten e vet.

Nëse ajo vëren tek shoqet e saja neglizhim, dobësim, tolerim apo mosdije, atëherë ajo e ka për obligim ta mësojë dhe drejtojë nga Libri i Allahut dhe nga Suneti i Pejgamberit sal-lAllahu alejhi ue sel-lem, dhe të përpiqet të thërrasë për tek Allahu i Lartësuar, duke marrë shembulltyrë Pejgamberin sal-lAllahu alejhi ue sel-lem; atë burrë madhështor të cilin Allahu azze xhel-le e ka përgatitur për të bërë thirrje në rrugë të Tij subhanehu ue teala.

Pejgamberi sal-lAllahu alejhi ue sel-lem ka thënë:

“Kush thërret për në udhëzim, atij i takon shpërblimi i atyre që e pasojnë pa i mangësuar gjë nga shpërblimi i tyre”.

Nëse gruaja muslimane vepron me fenë e Allahut sipas mundësisë së saj, e më pas bën thirrje për tek Allahu me dituri dhe me udhëzimin e Pejgamberit sal-lAllahu alejhi ue sel-lem, atëherë ajo vetëm se ka trashëguar Pejgamberin sal-lAllahu alejhi ue sel-lem, sepse dijetarët janë trashigimtarët e pejgamberëve.

Pas kësaj, ajo duhet të përpiqet të bëjë durim në atë që ka ardhë

Pejgamberi sal-lAllahu alejhi ue sel-lem, të përpiqet në bindje ndaj Allahut azze ue xhel-le, t'i kalojë kohët e saja me bindje ndaj Tij, të përpiqet të largohet nga bërja gjynah Allahut azze ue xhel-le, të përpiqet në veten e saj me mbulesën e saj, dhe të tilla të ngjashme prej gjërave që Allahu azze ue xhel-le e ka urdhëruar, dhe ajo do të lumturohet në këtë botë dhe në tjetrën.

E lus Allahun me emrat e Tij të bukur dhe cilësitë e Tij të larta, që të më japë mua dhe ju sukses drejt çdo të mire që e don dhe është i kënaqur.

Allahu është më i Larti dhe i Dituri, salavatet dhe selamet qofshin

mbi Pejgamberin tonë Muhamed,
familjen dhe gjithë shokët e tij.

Burimi:

<http://www.sahab.net/forums/index.php?showtopic=130191>

Përktheu: Besmir Cacani



